



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ზვარე

ზვარე, სოფელი ხარაგაულის მუნიციპალიტეტში (იმერეთის მხარე), ლიხის ქედის დას. კალთაზე, მდ. ზვარულის (ჩხერიმელის მარცხ. შენაკადი) ნაპირას. თემის ცენტრი (სოფლები: ზ., ნუნისი, ჩრდილი). ზ. დ. 700 მ, ხარაგაულიდან 20 კმ, მოლითიდან (უახლოესი რკინიგზის სადგ.) 4 კმ. 407 მცხ. (2002). სოფელი წყაროებში პირველად მოხსენიებულია (მზავარე) XVIII ს-ში. ზ. ადგილ. მნიშვნელობის ბალნეოლ. კურორტია. გარშემო აკრავს ფოთლოვანი ტყით შემოსილი მთის კალთები. ჰავა რბილია, იცის თითქმის უთოვლო ზამთარი (იანვ. საშ. ტემპ-რა 0<sup>o</sup> C) და თბილი, ზომიერად ნოტიო ზაფხული (ივლ.-აგვ. საშ. ტემპ-რა 21,0<sup>o</sup> C). ნალექები საშუალოდ 1300 მმ წელიწადში. სამკურნ. ფაქტორია მინერ. წყალი „ზვარე“.

**გ. უშვერიძე**

---